



**Ioannis Tollenarii Brvgensis e Soc. Iesv Specvlvm
Vanitatis Sive Ecclesiastes Solvta Ligataq. Oratione
Dilvcidatvs**

Tollenaer, Jean de

Antverpiæ, 1635

Metrica Paraphrasis.

[urn:nbn:de:hbz:466:1-68633](https://nbn-resolving.org/urn:nbn:de:hbz:466:1-68633)

6. etiam si duobus millibus annis vixerit, & non fuerit perfruitus bonis.: nonne ad vnum locum properant omnia?

METRICA PARAPHRASIS.



NON possidentem Regificas opes
 Evisceratis aut Arabum iugis,
 Aut emedullatis Iberi
 Montibus, indigetes beatum.
 Nomen beati rectius obtinet,
 Qui maior auri blanditiis, iubet
 Servire Virtutum lupatis
 Diuitias operosiores.
 Non si refusus diuitis alvei
 Gazis Hydaspes faucibus influat,
 Cupidinem siticulosam
 Exsatiet sibi blandus hydrops.
 Crescente crescit cura pecunia
 Mentisque tabes, fœdaque servitus.
 Et credimus beatitatis
 Fructibus indecores potiri?
 Hæc pœna auaros disruiat frequens:
 Hac orbe toto se Nemesis probat,
 Quâ Phœbus è cunis renascens
 Tendit ad Hesperium cubile.
 Vtrumque mundum, quâ patet, adspice,
 Heu quanta egestas diuitiis subest!
 Quot sortis, heu! nimis benigne
 Esse fauor prohibet beatos!
 Est qui flagellat Mygdonias opes,
 Midaque votis vota superuolat,

CURR-

Curruque subuectus superbo
Fræna regit, populi que fasces.
Fortuna tendens huic famulas manus,
Exuberantis munera copie
Profundit, indulgensque donis
Immodicum superare voti
Contendit. O fucata beatitas!
Heu! ludit amni Tantaleo sitim:
Nec tabido latrantem orexim
Ventre opibus recreat paratis.
Feralis ut cum cæna superfluis
Instructa ferclis, Tenarei specus
Inuitat umbras, aut opima
Mensa Ioui struitur Dapali,
Nil ille quidquam percipit: aut velut
Spado impudicus virginis irritò
Suspirat amplexu; prehensis
Sic opibus miser ingemiscit.
Sed sortis heres quilibet aureæ
Lumbricus, imâ e face leuans caput,
Aut stemmatis mendax repertor,
Aut viduis thalamis potitus
Dudum repostam deliciis struem
Impendet auri, & compede ferreâ
Nummos reclusos destinabit
Pinguis aqualiculi saginæ.
O vanitatum summa! Quis, ô! precor,
Quis hocce tantum dissimulet mali?
Si quispiam satur dierum
Nestoream superet senectam,
Natisque centum diuidat oscula:
Nec ille partis exsatiæ famem,

Eccli. 30.
18.

Vers. 19.

Vers. 21.

Vitæque solamen reuulsos
 E loculis neget esse nummos:
 Sed inuidendas inter opes inops,
 Probrosa tandem victima Tartari
 Procumbat, & sœdum cruentis
 Vulturibus iaceat cadaver
 Exfors sepulchri, & funerea facis,
 Fractæque mœsto pectine nania;
 Hunc esse vuluæ abortientis
 Consimilem reor embryoni.
 Quin maior hic est, cui geminum parens
 Gemella mortis sarcophagum dedit,
 Dum terra abortiuum receptat,
 Bisque vteri sepelit latebris.
 At ille frustra matre puerperâ
 Cadens, salutat fletibus alteram:
 Pergitque ad æternas tenebras,
 Nec memori reuirescet auro.
 Non Solis vñquam flauicomum iubar
 Lucisque gustum percipit aurea:
 Non pulchra secernit pudendis,
 Vtilibus dirimit nociua.
 Bis dena quamuis secula traxerit
 Vivendo, sortis mancipium suæ,
 Quo tandem abortiuum antecellet
 Stamina dum Lachesis secabit?
 Omnes eodem tendimus: vltima
 Momenta lapsi temporis orbitam
 Cunctis adequant: parque longo est
 Vna dies fugitiua sæclo.

PROSA